



Infuormaziuns

da la corporaziun evangelica
Ardez-Ftan-Guarda



AVUOST, SETTEMBER, OCTOBER 2020

Viver e lavurar in temps da corona a Costa Rica

Il proget da l'on da nossa corporaziun es ingon il Departamento EcuMénico de Investigaciones «DEI», ün center ecumenic da scolaziun a San José, Costa Rica. Id es ün center d'inscunter e da cumünanza chi reunischa a personas da tuot l'America Latina chi s'ingaschan in lur pajais, in lur baselgias ed organisaziuns pels drets da l'uman, la chüra da l'ambiant e per la vita cun dignità per tuot ils pövels. Tras ils cuors, ils inscunters e las publicaziuns dal DEI vegnan rinforzats ils ingaschamaints per la pasch e la güstia da blers movimaints e da bleras personas in differents pajais.

Causa la crisa actuala da sandà in connex cul virus da corona - chi'd es eir üna crisa economica, politica e sociala - nun esa intant pussibel da manar tras ils cuors a San José.

Pervi da quai ha il DEI decis da güdar cun las seguaintas sportas:

1. Dar refugi e sustegn immediat a personas e gruppas vulnerablas chi sun pertoccas in möd direct da la crisa economica e sociala. Illa chasa dal DEI han fügativs e migrants, defensurs dals drets da l'uman, duonnas sulettas cun uffants, personas pertoccas da violenza a chasa e personas sainza ün dachasa chattà ün ricover temporari, ün lö sgür per pudair as stabilisar ed organisar in quista situaziun da crisa.
2. Ils cuors e seminars vegnan manats tras in möd digital e virtual, adüna cun la speranza cha «ün di ans pudaina darcheu branclar».
3. Ün'otra acziun as drizza a las personas chi han fingià üna jada tut part a scolaziuns i'l DEI e chi sustegnan ed accompagnan gruppas e movimaints in America Latina e Caribica chi s'ingaschan per güstia e dignità. Il DEI tschercha vias per incuraschir e sustegner quistas personas in lur ingaschamaints locals in quists temps da pandemia e post-pandemia.

In regard ad uschè gronda suffrentscha ed insgürezza faja dabsögn da tscherchar il meglder aint in no sves, in nossas tradiziuns religiusas ed in noss möds da viver, da preservar ils buns sems chi sun avantman illa giuventüm, illas gruppas e cumünanzas cha no accompagnain tillas protegiond cun affecziun, sperond ils dis adattats per semnar e racogliar.

Cult divin a Gonda

dumengia, 9 avuost a las 11.00

No'ns allegrain da celebrar ingon darcheu ün cult divin cumünaivel insembel cun la corporaziun evangelica Zernez cul ravarenda Rainer Grabowski e nosa ravarenda Marianne Strub a Gonda.



Pel imbellimaint musical pissera duonna Christa Pinggera.

Davo il cult divin daja la pussibiltà da brassar üna liongia sül grigl pront. Quist on giavüschaina cha minchün porta sves il damangiar. Grazcha! In cas da trid'aura ha la predgia lö illa baselgia da Lavin.

Cult divin a Garsun

dumengia, 6 settember a las 16.00

Il cult divin tradiziunal da Garsun pudaina celebrar illa baselgia renovada. No tilla lain inaugurar cumünaivelmaing pro l' aperitiv davu la predgia.



Festa da rogaziun federala cun Soncha Tschaina

dumengia, 20 settember

Las predgias han lö: ad Ardez a las 10.00, a Ftan a las 11.10 ed a Guarda a las 17.00.



Festa da la racolta pro'l Laiet d'Ardez

Cult divin ecumenic champester, dumengia, 11 october a las 11.00

cun rav. Marianne Strub e rav. Christoph Willa.

Il bel laiet ans invida da restar da cumpagnia e da giodair ün giantar.

Cult divin cun preschantaziun da nos proget annual "DEI"


In **dumengia, als 16 avuost**, das-chaina bivgnantar a duonna Golda Fuentes, responsabla pels progets partenaris da missiun 21 in America Latina. Duonna Fuentes sarà preschainta i'ls cults divins d'Ardez e da Ftan la dumengia dals 16 d'avuost ed ans preschantarà il proget cha no sustgnain d'urant quist on.

A Ftan ha il cult divin lö a las 10.00, ad Ardez a las 11.10.



Cinema baselgia

Illa baselgia da Ftan, mardi, 27 october 2020, 20.00



Trading Paradise

Il film dal redschissur svizzer Daniel Schweizer tratta d'ün tema fich actual e brisant: las pratchas dals commerciants cun materia prima. Üna gronda part da quist commerzi mundial vegn dirigi dad affars cun sez in nos pajais. Quist film infuorma e driva la debatta sur da la responsabilità etica da quistas impraisas eir i'ls pajais d'origen da la materia prima.

Dürada: 1 h e 18 min. – cun suottitels per tudais-ch - Entrada libra - collecta - Liber a partir da 14 ons

Occurrenzas da noss progets:

• in viadi



Guarda, ils 10 avuost, a partir da las 13.00

Pitschna occurrenza poetica cun musica, art visuala e poesia, chi fa viadi tras l'Europa ed as ferma per ün mumaint a Guarda. Vernisascha da la publicaziun "Guarda" our da la seria "Die Schweiz lesen" cun fotografias our da l'archiv da l'ETH. Editur Ulrich Sutter es da la partida.

Tuots sun invidats da viagiari individualmaing a Guarda.

Lö: aint ed intuorn la chasa 70 (suot la baselgia). Avertüra 13.30, evenimaint da las 14.00 fin a las 16.30, cun alch da piclar. I vain fat üna collecta.

• cinéMa na be



Las sairadas da film organisadas da giuvenils per giuvenils van inavant!

Tuot las indicaziuns sur dal prossem film vegnan fattas attent sün placats i'ls cumüns e via whatsapp.

Per ulteriuras infuormaziuns: Silvia Schlegel, 079 585 47 91

• Il Sainin

Venderdi, ils 25 settember e venderdi, ils 30 october 2020 adüna tanter las 9.30 e las 11.00 illa sala cumünala ad Ardez.

Ün cordial invid a tuot ils uffants tanter 0 e 5 ons e lur genituors, nonas o bazegners da gnir a tadar ün'istorgia da la Bibla, da chantar, da giovar e da star in cumpagnia. Per ulteriuras infuormaziuns: Marianne Strub, 081 862 23 61



• Predgina



Tuot ils uffants a partir da 4 ons, da Giarsun, Guarda, Bos-cha, Ardez e Ftan sun cordialmaing bainvgnüts.

La predgina ha lö dumengia, ils 1 november 2020 e davo tenor comunicaziun in scouline e scoula, adüna la dumengia **da las 10.00 a las 11.00** illa **biblioteca d'Ardez**.

Per ulteriuras infuormaziuns: Annina Mengiardi, 081 862 24 50 e Cilgia Koller, 079 266 90 37.

Bündner Barock cun concerts da stà in nossas baselgias

- Ardez: marcurdi, ils 5 avuost 2020

- Giarsun: gövgia, ils 6 avuost 2020 e

marcurdi, ils 7 october 2020 prüm concert d'utuon

- Ftan: sonda, ils 8 avuost 2020

Ils concerts cumainzan adüna a las 18.00 e dūran ca. ün'ura.

Entrada libra, collecta. Detagls dals programs vegnan publichats a temp ütil sün placats.

Reservaziun obligatorica suot <https://swissbaroque.com/programm/sommertour-2020>

Scha'l Chantun relascha masüras plü severas cunter il virus, vegn ün eventual « STOP » dals concerts publichà suot <https://swissbaroque.com>.



Preavis: Radunanza generala e da preventiv

da la corporaziun evangelica Ardez-Ftan-Guarda

mardi, ils 3 november 2020 a las 20.00

illa chasa da scoula da Guarda.

La bannida cullas tractandas segua a temp ütil.



Maisas da giantar per tuots dad Ardez e Guarda

Las prosmas maisas da giantar han lö:

mardi, ils **4 avuost** i'l hotel Alvetern

mardi, ils **1 settember** i'l hotel Alvetern

mardi, ils **6 october** i'l hotel Alvetern



Annunzchas fin **il plü tard** il di avant la „maisa“ pro Erna Fontana,
tel. 081 862 23 50. Per giasts da Guarda vegn organisà il transport.

Casualias in noss cumüns

Battaisems:

Marc Benderer, 5.7.2020, Ftan

Lea Collenberg, 19.7.2020, Ftan

Celestino Aurél Eigensatz, 26.7.2020, Sur En d'Ardez

Nozzas:

Claudia ed André Gemassmer-Campell, 18.7.2020,

Sur En d'Ardez

Mortoris:

ingüns



Vacanzas:

Nossa ravarenda Marianne Strub es in vacanzas
dals 31 lügl fin als 8 d' avuost 2020.

Il rimplazzamaint per casualias surpiglia rav. Niklaus
Friedrich, Scuol, tel. 076 423 46 87.

*«Il Segner es meis pastur, eu nu vegn in manguel;
el am fa star sün pas-chüra verdainta,
ed am maina pro auas frais-chas.» (Ps 23, 2)*

Adressas:

Pravenda

Dna. rav. Marianne Strub, Ch. da pravenda, 7546 Ardez

tel.: 081 862 23 61, e-mail: marianne.strub@gr-ref.ch

Secretariat

tel: 081 860 34 10

secretariat.pravenda@bluewin.ch